



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

XXXIII. Super præcedentia Procuratoris Generalis in concursu aliorum
Prælatorum Ordinis Canoniorum Regularium S. Salvatoris.

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

super transitu Fratrum Minorum Conventualium dicti Ordinis ac predictos Fratres Reformatos Conventuum, qui in eis post suppressionem remanserant.

§. 2. Et alteras nostras in simili forma Brevis novissime expeditas, quibus confirmando Decretum à Congregatione predictorum Cardinalium editum die 15. Novembris 1668. tribuitur facultas antedictis Fratribus Reformatis degentibus in Conventibus Licienſi, & Oppidorum Grumi, Ripaldæ, & Caldarolæ, qui ſoli nunc ſuperſeſſe noſcuntur, tranſeundi ad dictos Fratres Minores Conventuales ſancti Franciſci, aut ad quamcumque aliam Religionem parem, vel ſtrictiorem à Sede Apoſtolica approbatam, in qua benevolos invenerint receptores.

§. 3. Eiſque inhibetur ne de cætero quemquam ex Conventualibus antedictis, vel ex alia Religione, aut ex ſæculo ad habitum, vel profeſſionem admittant ſub pœnis nullitatis actus, & excommunicationis late ſententiæ, vel obſtantibus anterioribus Noſtris literis prædictis aliaque videnda, & conſideranda viderunt, & conſiderarunt.

§. 4. Auctoritate Apoſtolica tenore præſentium decernimus, & declaramus memoratos Conventus Licienſis, Grumi, Ripaldæ, & Caldarolæ, cum omnibus eorum bonis, juribus, & pertinentiis, ſacraque, & profana ſupelleſtili ad prædictum Ordinem Fratrum Minorum Conventualium ſancti Franciſci ſpectare, & pertinere, ejuſque Ordinis Superiores per Ordinarios locorum in poſſeſſionem Conventuum, ac bonorum huiusmodi eſſe immittendos.

§. 5. Fratribus autem Reformatis legitime in eodem Ordine profeſſis, degentibus in dictis quatuor Conventibus per eodem Ordinarios auctoritate Noſtra injungi volumus, ut intra terminum duorum menſium tranſeant ad dictum Ordinem Fratrum Minorum Conventualium, vel ad aliam Religionem parem, vel ſtrictiorem à Sede Apoſtolica approbatam, in qua, ut ſupra invenerint benevolos receptores.

§. 6. Quod ſi neutrum præſtiterint elapſo termino per Ordinarios antedictos juris remediis compellantur à memoratis Conventibus decedere, & diſmiſſo Habitu Reformatorum ad Religionem dictorum Fratrum Conventualium tranſire, ejuſque habitum aſſumere, ut in eo quoad vixerint permaneant, nec inde abſcedant ſub pœna Apoſtaſiæ.

§. 7. Decernentes eaſdem præſentes literas ſemper firmas, validas, & efficaces exiſtere, & fore, ſuoſque plenarios, & integros effectus fortiri, & obtinere, ac illis, ad quos ſpectat, & pro tempore ſpectabit, pleniffimè ſuffragari, & ab eis reſpective inviolabiliter obſervari. Sicque in præmiſſis per quoscumque Judices Ordinarios, & delegatos etiam cauſarum Palatii Apoſtolici Auditores judicari, & definiiri debere, ac irritum & inane quicquid ſecus ſuper his à quoquam quavis auctoritate, ſcienter, vel ignoranter contigerit attentari.

§. 8. Non obſtantibus præmiſſis, ac Conſtitutionibus, & Ordinationibus Apoſtolicis, necnon omnibus, & ſingulis illis, quæ in literis prædictis, conſeſſimus non obſtare, cæteriſque contrariis quibuſcumque.

Datum Romæ apud Sanctum Petrum ſub Anulo Piſcatoris die 9. Martii 1669. Pontificatus noſtri Anno ſecundo.

Breve pro transitu ad ordinem alium.

Terminum duorum menſium ad aliam Religionem tranſeundi præſcribit.

Pœna contraventionis.

Decretum irritans.

Contrariis derogat.

Dat. P. A. 2. die 9. Martii.

XXXIII.

Super præcedentiâ Procuratoris Generalis in conſuſu aliorum Prælatorum Ordinis Canonico-regularium S. Salvatoris.

CLEMENS PAPA IX.

Ad futuram rei memoriam.

EXponi Nobis nuper fecit dilectus filius Angelus Servalli Procurator generalis Congregationis Canonico-regularium Sancti Salvatoris, quod dudum, videlicet anno 1628. tunc in humanis agens Andreas Petraccoli Prior Generalis dictæ Congregationis à ſel. record. Urbano Papa VIII. Prædeceſſore noſtro deputatus Congregationem Generalem eorumdem Canonico-regularium in Monasterio Sancti Petri ad Vincula ejuſdem Congregationis celebravit, in qua Viſitatores, aliiſque Officiales Congregationis huiusmodi electi, & à dilecto filio Magiſtro Proſpero Fagnano in utraque Signatura noſtra Referendario, qui eidem Congregationi Generali juſſu dicti Urbani prædeceſſoris præſidebat, confirmati fuerunt, ac inter alia factum fuit in dicta Congregatione Generali Decretum tenoris ſequentis, videlicet.

§. 1. Procurator Ordinis, qui pro univerſa laborat Congregatione, eundem titulum Procuratoris Generalis obtinet, in Monasteriis Urbis, & extrâ, locum ſemper tenet immediate poſt Priorem.

§. 2. Cum autem ſicut eadem expoſitio ſubjungebat, vertente inter dictum Angelum Procuratorem Generalem ex una, & dilectum pariter filium modernum Abbatem dicti Monasterii Sancti Petri ad Vincula ex altera partibus lite, ſeu controverſia, de & ſuper præcedentiâ inter ipſos habenda præſertim in Monasterio Sancti Laurentii extra muros ejuſdem Congregationis, quam præſatus quidem Angelus Procurator Generalis vigore Decreti præinſerti, dictus verò Abbas in vim Conſtitutionum ipſius Congregationis auctoritate Apoſtolica, & uſu ipſo (ut aſſeritur) comprobatarum ſibi competere reſpective prætendebant.

§. 3. Decretum fuerit à Dieta Candianenſi dictæ Congregationis quod prædictus Abbas Monasterii Sancti Petri ad Vincula manutenendus eſſet in ſua quaſi poſſeſſione præcedendi dicto Procuratori Generali in dicto Monasterio Sancti Laurentii extra muros, & ubique in pertinentiis Urbis præfatæ; reſervato tamen eidem Procuratori Generali jure probandi ſupradictum Decretum Capitulare fuiſſe, & eſſe munim confirmacione Apoſtolica, itaut ejus ſit roboris, & momenti, ut vim habeat derogandi prædictis Conſtitutionibus præſata auctoritate, & uſu comprobatis, & alias prout in ipſo Decreto die 26. Aprilis proximè præteriti in dicta Dieta edito uberius dicitur contineri; Cumque Decreti huiusmodi fundamenta minimè ſubſiſtant, ac proindè primum dictum Decretum ſervari debeat; Nobis propterea præſatus Angelus Procurator Generalis, humiliter ſupplicari fecit, ut ſibi in præmiſſis providere, & ut infra indulgere de benignitate Apoſtolica dignaremur.

§. 4. Nos igitur ipſum Angelum Procuratorem Generalem ſpecialibus favoribus, & gratis proſequi volentes, & à quibuſvis excommunicationis, ſuſpenſionis, & interdicti, aliiſque Eccleſiaſticis ſententiis, cenſuris, & pœnis à jure, vel ab homine quavis occaſione, vel cauſa latis, ſi quibus quomodolibet innodatus exiſtit ad effectum præſentium dumtaxat conſequenſium ſerie abſolventes, & abſolutum fore cenſentes, huiusmodi ſupplicationibus inclinati, de nonnullorum Romane Curie Prælatorum ſuper hoc negotio à Nobis ſpecialiter deputatorum, qui partes audierunt, conſilio, præinſertum Decretum Capitulare anni 1628. auctoritate Apoſtolica tenore præſentium confirmamus, & approbamus, illique inviolabilis Apoſtolice firmitatis robur adjicimus, ac omnes, & ſingulos juris, & facti de-

Edita An. D. 1669.

Cauſa Brevis.

Procuratori Generali locus primus poſt Priorem assignatur.

Decretum capitulare confirmatur.

Decretum irritans.

fectus, si qui desuper quomodolibet intervenerint supplementum.

§. 5. Decernentes easdem praesentes literas semper firmas, validas, & efficaces existere, & fore suosque plenarios, & integros effectus sortiri, & obtinere, ac dicto Angelo Procuratori Generali, & aliis ad quos pro tempore spectabit plenissime suffragari; Sicque in praemissis per quoscumque Judices Ordinarios, & delegatos, etiam causarum Palatii Apostolici Auditores judicari, & definiri debere, ac irritum, & inane si quid fecus super his à quocumque quavis auctoritate, scienter, vel ignoranter contigerit attentari.

Contraria removet.

§. 6. Non obstantibus praemissis, ac Constitutionibus, & ordinationibus Apostolicis, necnon quatenus opus sit d. Congregationis etiam juramento, confirmatione Apostolica, vel quavis firmitate alia roboratis, statutis, & consuetudinibus, privilegiis quoque, indultis, & literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum tenores praesentibus pro plenè, & sufficienter expressis, & insertis habentes, illis aliàs in suo robore permanens, ad praemissorum effectum, hac vice dumtaxat specialiter, & expressè derogamus, ceterisque contrariis quibuscumque.

Dat. P. An. 2. die 16. Mart.

Datum Romae apud Sanctum Petrum sub Annulo Piscatoris die 16. Martii 1669. Pontificatus nostri Anno secundo.

XX XIV.

Concesso Indulgentiarum pro Christi fidelibus Italiae, & Insularum adjacentium divinum auxilium implorantibus pro faelici electione Regis Poloniae, ac liberatione Cretae à tyrannide, & armis communis hostis.

Edita A. D. 1669.

CLEMENS PAPA IX.

Ad futuram rei memoriam.

Prooemium.

Nuper Nos ad divinam opem in praesentibus Ecclesiae necessitatibus implorandam, in omnibus almae Urbis nostrae Patriarchalibus, & Collegiatis, ac Parochialibus, & aliis quibusvis saecularium, & regularium utriusque sexus Ecclesiis campanam majorem hora secunda noctis quotidie, à die prima currentis mensis Aprilis donec aliter ordinaverimus, per spatium octavae partis horae pulsari iussimus. Ac omnibus utriusque sexus Christi fidelibus, qui durante sono campanae huiusmodi flexis genibus, vel aliter prout valerent quinque orationem Dominicam, & salutationem Angelicam in honorem quinque plagarum Domini Nostri Jesu Christi devotè recitarent, ac divinam clementiam implorarent, ut quietam, ac communiter gratam, & acceptam, Ecclesiaeque Dei utilem novi Regis Poloniae electionem benignè largiri, necnon Cretae Regnum à tyrannide, & armis communis hostis liberare dignetur, singulis diebus quibus id agerent, quinque annos, & totidem quadragenas de injunctis eis, aut aliàs quomodolibet debitis poenitentis in forma Ecclesiae consueta relaxavimus. Insuper iisdem Christi fidelibus, qui praemissa per integrum quindecim dierum curriculum peragerent, ac in uno eorundem quindecim dierum verè poenitentes, & confessi, ac sacra communione refecti, Sancti Marci Collegiatam, & Sancti Stanislai Nationis Polonorum Ecclesias Urbis praedictae devotè visitarent, divinamque clementiam ibidem similiter implorarent, plenariam quolibet curriculo quindecim dierum, quibus id egissent, peccatorum suorum indulgentiam, & remissionem misericorditer in Domino concessimus.

Quid faciendum praecribit.

§. 1. Nunc autem, quod fideliter petimus, validiori conjunctarum precum intercessione ab Omnipotentis Dei misericordia impetremus, divinum auxilium in universa Italia, & Insulis illi adjacentibus

pariformiter invocari cupientes; Venerabilibus Fratribus Patriarchis, Archiepiscopis, & Episcopis, aliisque Ecclesiarum Praelatis, & Ordinariis Civitatum, & Dioecesium, Oppidorum, Terrarum, & locorum universae Italiae, & Insularum illi adjacentium huiusmodi, seu eorum Vicariis in spiritualibus generalibus harum serie committimus, & mandamus, ut statim atque ipsarum praesentium literarum transumpta seu exempla, etiam impressa, ad eos pervenerint, campanas pariter diebus singulis per spatium octavae partis horae donec aliter ordinandum duxerint, in suarum respectivè Civitatum, & Dioecesium, Oppidorum, Terrarum, & locorum, tam saecularium, quam regularium utriusque sexus Ecclesiarum pulsari mandent, ac Ecclesias ut infra visitandas designent, seu designari curent.

§. 2. Nos enim omnibus, & singulis utriusque sexus Christi fidelibus, qui durante sono campanarum huiusmodi quinque orationem Dominicam, & salutationem Angelicam pariter recitaverint, divinamque clementiam ut supra imploraverint, quocumque die id egerint, similem poenitentiarum relaxationem; Illis verò qui continuata per quindecim dies ejusmodi devotione, in uno eorundem quindecim dierum verè poenitentes, & confessi, ac sacra communione refecti Ecclesias per memoratos Ordinarios, & Praelatos, seu eorum Vicarios respectivè, sive illorum iussu designandas devotè visitaverint, ibique divinam clementiam similiter imploraverint, plenariam itidem omnium peccatorum suorum indulgentiam & remissionem, quolibet curriculo quindecim dierum lucrificandam, concedimus pariter, & elargimur. Ceterum regularibus utriusque sexus in perpetua clausura viventibus, necnon aliis Christi fidelibus praedictis in carcere, vel corporis infirmitate, aliove quolibet impedimento detentis, qui Ecclesias ut praemittitur designatas, vel designandas visitare nequiverint, ut ejusmodi visitationem Confessarius ex approbatis, seu approbandis ab Ordinariis in alia pietatis opera commutare, vel in aliud proximum tempus differre, eaque injungere possit quae ipsi poenitentes adimplere poterunt, concedimus similiter, & indulgemus.

§. 3. Volumus autem, ut earundem praesentium litterarum transumptis seu exemplis etiam impressis manu alicujus Notarii publici subscriptis, & sigillo personae in Ecclesiastica dignitate constitutae munitis eadem prout fides in iudicio, & extra habeatur, quae praesentibus ipsis haberetur si forent exhibitae, vel ostensa.

Datum Romae apud S. Petrum sub Annulo Piscatoris die 8. Aprilis 1669. Pontificatus Nostri Anno secundo.

Anno à Nativitate Domini Nostri Jesu Christi 1669. Indictione septima, die verò decima mensis Aprilis, Pontificatus autem Sanctiss. in Christo Patris, & D. N. D. Clementis Divina Providentia Papae IX. Anno secundo, supradictae litterae affixae, & publicatae fuerunt ad valvas Basilicae Lateranensis, Principis Apostolorum, & S. Mariae Majoris de Urbe, & in acie Campi Florae, ac aliis locis solitis, & consuetis Urbis, per me Matthiam Ricciardum Sanctiss. D. N. Papae Curf.

Franciscus Perinus Mag. Curf.

Quod Religiosi cujuscumque Ordinis, & ubicumque sint, nullo sub praetextu audeant mercatuarum exercere.

CLEMENS PAPA IX.

Ad futuram rei memoriam.

Sollicitudo Pastoralis Officii, quo Ecclesiae Catholicae per universum Orbem diffusa regi-

Indulgentiam plenariam concedit.

Transumptorum fides.

Dat. P. An. 2. die 8. April.

XXXV.

Edita A. D. 1669.

mini